

6. gr.

Um greiðslur þinggjalda og jöfnunargjalds vegna alþjónustu á árinu 2004 fer að öðru leyti samkvæmt ákvæðum XIII. kafla laga nr. 90/2003, um tekjuskatt og eignarskatt, með síðari breytingum.

7. gr.

Reglugerð þessi, sem sett er samkvæmt heimild í 112., 115. og 121. gr. laga nr. 90/2003, um tekjuskatt og eignarskatt, með síðari breytingum, og 15. gr. laga nr. 107/1999, um fjarskipti, með síðari breytingum, öðlast þegar gildi.

Fjármálaráðuneytinu, 19. desember 2003.

F. h. r.

Marianna Jónasdóttir.

Jón Guðmundsson.

AUGLÝSING

**um breytingu á gjaldskrá um greiðslur fyrir
aukaverk presta þjóðkirkjunnar nr. 668 9. september 2003.**

1. gr.

3. gr. gjaldskrárinnar hljóði svo:

Ef prestur er sérstaklega kvaddur til að vinna aukaverk, greiðir sá ferðakostnað prestins er beiðist verksins, samkvæmt reglum um greiðslu ferðakostnaðar ríkisstarfsmanna og í samræmi við þau viðmið sem fram koma í þessari grein. Ber presti að upplýsa greiðendur fyrirfram um aksturskostnaðinn. Viðkomandi kirkjugarður greiðir þó aksturskostnað vegna kistulagninga, útfara og frágangs duftkerja, sbr. lið c) og d).

- a) Akstur vegna skírnar eða hjónavígslu innan prestakalls í þéttbýli sé að hámarki 12 km.
 - b) Akstur vegna skírnar eða hjónavígslu innan prestakalls í dreifbýli sé að hámarki 30 km.
 - c) Akstur vegna greftrunar í þéttbýli sé 12 km. Við bætast 12 km ef kistulagning er sérstök athöfn og ennfremur ef prestur kemur að frágangi duftkers í grafreit.
 - d) Aksturskostnaður vegna greftrunar í dreifbýli sé að hámarki 1/3 af kostnaði vegna þóknunar prests skv. gjaldskrá, sbr. 2. gr. reglugerðar nr. 9/1994.
- Eigi er heimilt að innheimta aksturskostnað vegna fermingarstarfa.

2. gr.

Breyting þessi sem sett er með stoð í lögum nr. 36/1931 um embættiskostnað og aukaverk presta öðlast þegar gildi og gildir til og með 30. september 2013.

Dóms- og kirkjumálaráðuneytinu, 18. desember 2003.

Björn Bjarnason.

Hjalti Zóphóníasson.